

靈寶无量度人上品妙經卷之三十 卒

斷絕胎根閉塞死戶品

道言昔於始青天中紫清玄洞五明華宮受  
元始度人斷絕胎根閉塞死戶无量上品元  
始天尊當說是經周回十過以召十方始當  
詣座天真大神上聖高尊神霄玉清真王太  
上消魔玉清神王扶桑青華帝君後聖金闕  
帝君萬天帝主無鞅數衆乘空而來飛雲丹  
霄綠輿瓊輪羽蓋垂蔭流精玉光五色鬱勃  
洞煥太空九日九夜諸天日月星宿璇璣玉

衡一時停輪神風靜默山海藏雲天無浮翳  
四氣朗清一國地土山川林木緬平一等無  
復高下人皆悟道成法土變作碧玉無有異  
色衆真侍座元始天尊玄坐翠浮瓊璠靈陽  
寶座之上說經一遍萬天帝君同時稱善稽  
首再拜咸得見道是時一國男女死者復生  
生者悟道說經二遍鳥獸介蟲皆得長生說  
經三遍四時和平無有寒暑說經四遍星宿  
日月天界停住無復東行說經五遍疾病沉  
痾並獲痊瘥說經六遍地土平正袪塵自潰

說經七遍五行皆一混合天成說經八遍娠胎皆出芽蘖甲坼已生未生立獲生成說經九遍善惡無迹心歸正化說經十遍華夷一等無有邪僻是時一國是男是女莫不傾心皆受護度咸得長生

道言是時元始天尊說經一遍東方扶桑青華洞境至真大聖無鞅之衆浮空而至說經二遍南方赤靈陽光洞元至真大聖無鞅之衆浮空而至說經三遍西方素景皓靈洞扶至真大聖無鞅之衆浮空而至說經四遍北

卷第十三第

方玄靈至妙洞化至真大聖無鞅之衆浮空  
而至說經五遍東北上靈通理洞妙至真大  
聖無鞅之衆浮空而至說經六遍東南鎮靈  
體元洞神至真大聖無鞅之衆浮空而至說  
經七遍西南耀靈瑩空洞徹至真大聖無鞅  
之衆浮空而至說經八遍西北華靈統化洞  
遠至真大聖無鞅之衆浮空而至說經九遍  
上方神靈普變洞觀至真大聖無鞅之衆浮  
空而至說經十遍下方靜靈化生洞慧至真  
大聖無鞅之衆浮空而至十遍周竟十方無

靈寶无度量人上品妙經

極天真大聖一時同至一國男女傾心歸仰  
來者有如黃霧蔽密瑞煙雜沓無鞅之衆迺  
國一半土皆偏陷非可禁止於是元始內發  
心光外飛神氣上出泥丸火光輝耀遍於十  
方天界然後收光返照歸本聚氣變成寶珠  
狀若露圓去地億數萬丈元始登引天真大  
神上聖高尊諸天帝主十方无極至妙神靈  
大聖無鞅數衆俱入寶珠之中天人仰看惟  
見勃勃從珠口中入既入珠口不知所在國  
人廓散地還平正地復元色無復碧玉元始

三第十三卷

即於寶珠之內說經都竟衆真監度以授於  
我當此之時喜慶難言法事粗悉諸天復位  
倏歛之間寂無遺響是時天人遇值經法普  
得長生全其本年無有天傷傾土歸仰咸行  
善心不妄不貪不滿不盈不傾不敗不去不  
來不住不見心無妄想身無邪三敬齊同慈愛  
異骨成親國安民豐欣樂太平經始出教一  
國以道預有至心宗奉禮敬皆得度世  
道言元始天尊說經中所言並是諸天上帝  
至靈神王內境妙道變仙化形隱祕之音亦

靈寶无度量上人妙品經

是上帝內諱萬神之隱名也非世上之常辭  
上聖已成真人通玄究微能悉其章誦之十  
過諸天遙唱萬帝設禮河海靜默山嶽藏雲  
日月停景璇璣不行群魔束形鬼精滅爽回  
屍起死白骨成人至學之士誦之十過則五  
帝侍衛三界稽首萬神護法百靈祐身濟度  
垂死絕而得生所以爾者學士穢氣未消體  
未洞真以制十方威未制天政德可伏御地  
祇束縛魔靈但爲常文未通微妙即却死而  
已不能更生輕誦此章身則被殃供養尊禮

卷第十三第

門戶興隆世世昌熾與善因緣萬災不干神  
明護門斯經專妙獨步玉京度人无量為萬  
道之宗巍巍大範德難可勝  
道言凡誦是經十過諸天齊到億曾萬祖幽  
魂苦爽皆即受度飛昇朱宮皆得鍊形受化  
更生復為至人而好學至經功滿德就皆得  
神仙飛昇金闕遊宴玉京也上學之士修誦  
是經皆即受度飛昇南宮中學之士修誦是  
經無有生滅去來快樂得陞仙籍下學之士  
修誦是經即得神魂爽利疾病消除住世長

靈寶无度量人上品妙經

年此經微妙普度無窮一切天人莫不受慶  
無量之福生死蒙惠上天所寶不傳下世至  
士齋金寶效心盟天而傳輕泄漏慢殃及九  
祖罪及爾身長有天官侍香五帝玉童玉女  
各二十四人營衛神文保護受經者身

玄十

四

道言正月長齋誦誅是經死戶立閉胎根斷  
滅形神微妙飛昇南宮七月長齋誦誅是經  
身得神仙諸天書名金簡玉符召魂通微得  
獲長生十月長齋誦誅是經為國王帝主君  
臣父子安鎮國祚保天長存道玄不絕永斷

卷第十三第

劫運安鎮其方民稱太平八節之日誦詠是  
經得為九宮真人本命之日誦詠是經魂神  
澄正萬氣長存不經苦惱身有光明三界侍  
衛五帝司迎萬神朝禮名書上天功滿德就  
飛昇上清

道言行道之日皆當香湯沐浴齋戒入室  
東向叩齒三十六通上聞三十六天心拜  
三十六過閉目靜思身坐紅黃紫三色雲  
氣之中內外翕冥有青龍白虎朱雀玄武  
獅子白鶴羅列左右日月映照光耀洞空

靈寶无量度人上品妙經

洞煥天地項生圓象遍滿十方如此分明

密呪曰

无上玄元太上道君召出臣身中三五功曹

左右官使者侍香玉童傳言玉女五帝直符

直日香官各三十六人關啓所言今日吉慶

長齋清室修行至經无量度人願所啓上徹

徑御

无上三十二天元始上帝至尊几前

畢

引炁三十二過東向誦經

卷第十三第

元始无量度人上品妙經

元始大洞徊風混合本章上品妙首萬變度  
人千真隱韻離合自然太極玉文洞神上真  
元始祖劫開化諸天翕闢陰陽是生萬彙自  
然大道上无色界下无色根虚无渺漠惟道  
爲身五文開廓普植神靈無文不顯無文不  
靈無文不動無文不明無文不化無文不成  
是爲上清玉晨之天九霄梵氣靈臺靈臺金  
闕玉京上極無上大羅聖境虚无寥廓若隱  
若存七景華房九變龍庭昌明玉閣紫微天

靈寶无量度人上品妙經

靈純陽梵氣遍徹十方中有南極長生大君  
中有玉清消魔神王中有扶桑青華帝君中  
有好生韓君丈人中有南宮度人解厄定命  
天尊中有南極宮中慈仁通化真君回骸起  
死无量度人今日校錄諸天臨軒

東方无極青華神王長生大聖无量度人  
南方无極赤靈神王長生大聖无量度人  
西方无極素景神王長生大聖无量度人  
北方无極玄妙神王長生大聖无量度人  
東北无極保命神王長生大聖无量度人

卷第十三第七

東南无極集慶神王長生大聖无量度人  
西南无極寶輪神王長生大聖无量度人  
西北无極梵氣神王長生大聖无量度人  
上方无極橫天神王長生大聖无量度人  
下方无極鎮壘神王長生大聖无量度人  
十方至真威德神王長生度世无量大神並  
乘飛天六龍雲輿九華寶輦翠蓋雕輪毛節  
朱幢驂駕鸞鳳跨馭金龍建降魔辟非五方  
靈節持除禍賜福四神靈幡前肅靈璈汎景  
後吹簫瑟齊鳴獅子白鶴嘯唳噫噫太乙侍

靈寶无量人上品妙經

從真王翊軒億仙萬衆從空而來迎衛寶駕  
恭慶靈音統法持文諸天靈魔上相主宰天  
真神王南昌上宮韓司主錄監生大神執錄  
把籍齊到帝前隨所應度嚴校諸天普告三  
界無極真王神霄玉府扶桑華宮三清九霄  
億兆天界百萬仙國上解祖考億世萬劫惡  
籍罪簿消滅惡根不得拘留道合仙真元始  
符命普率九埏南靈火光度越靈魄北府真  
符解脫幽魂神王保舉超生南宮死魂受鍊  
仙化成人生身受度劫劫長存隨劫輪轉與

卷第十三

天齊年鍊屍聚氣保護胎仙內境汎光定息  
收玄永斷死戶纏鍊幽關超凌三界逍遙上  
清上清之天天帝玉真神霄之境梵行

東方九天

重華文朝天

帝照汎叨景

六晨汎景天

帝定玄耀明

至真極瑤天

帝浮羅未延

上靈元化天

帝大元辰弁

曲鼎號都天

帝勝金生光

瓊瑛汎景天

帝有提辯論

靈寶度量上人妙品經

---

---

七晨扶明天  
推虛動神天  
樂化自宥天  
南方九天  
晃朗赤梵天  
惠正輝奉天  
妙音飄飄天  
華離正定天  
宣景六虛天  
化形度敬天

帝苑育飛衛  
帝昔齊浮黎  
帝冕更容曦  
帝元競錦霓  
帝擁愛加吟  
帝號施幸綿  
帝呼立機成  
帝整婆阿貪  
帝勃負攷真

---

---

九第十三卷

龍希幾遍天  
陽廓曠晞天  
錦文絢赫天  
西方九天  
皓渺舒蕩天  
倏颺始平天  
落塵普盛天  
藥庭皇威天  
元舉星瓊天  
龍政委恩天

帝從扶鄉輕  
帝緬移神機  
帝景東梵寧  
帝握林俯極  
帝影浮金華  
帝執翁施零  
帝粵拂思誠  
帝顯加膺象  
帝運嘉玄康

靈寶无量上人妙經

快樂敷變天  
逍遙請福天  
曼景扇飆天  
北方九天  
玄明證赤天  
遠揚綠霄天  
元漠誓訓天  
臨蒞物成天  
政理分化天  
誘黎永勝天

帝欲化無垠  
帝豁落行夷  
帝動鬱蒼題  
帝石育俯昌  
帝浮纏方漢  
帝順通兮凝  
帝目羅景輪  
帝範擲俱重  
帝拱越林夷

第十卷

馥明大普天

帝嚴度丹霞

續區廣蒙天

帝棟零延棋

玉元淵淨天

帝景大羅長

三十六天三十六帝諸天隱秘萬天隱名天  
中玉文大梵靈章三天密諱天中神音天帝  
高尊天真神王上相大魔靈文玉音回風混  
合鍊屍飛昇無量之奧深不可詳守雌抱雄  
是爲神真普度天人今日欣慶受度歷關諸  
天請滅三惡斬絕地根飛度死戶名列真仙  
魔王監舉無拘天門東斗監生西斗除殃址

斗輔靈南斗化魂中斗成真總監衆靈青帝  
育生白帝守神赤帝升氣黑帝流光黃帝靜  
中萬神祐身青天魔王辟穢受形赤天魔王  
內寶神真白天魔王却邪輔正黑天魔王監  
持護法黃天魔王守衛萬靈五帝大魔萬神  
之宗飛行一身總貫泥丸藏氣元精澄神安  
鎮坐觀太空自號赤符諸天上功元始度人  
皆稟生宮神嬰受化普掃胎根斷除血穢閉  
塞死門流精反聚俱入妙庭天魔接引上升  
玉都屏除瘴癘鬼毒祛精天丁前驅大帥仗

播擲火萬里流鈴八衝敢有干試拒遏上真  
金鉞前戮巨天後刑屠割鬼爽風火無停千  
千截首萬萬翦形魔無干犯鬼無秋精七魄  
寧謚三屍速奔外營百關內保萬神白虎守  
芝青龍纏液普告無窮萬神咸聽三界五帝

列言上清

玉晨寶曆會玄神章龍漢開劫降自華房混  
沌九變斷滅邪亡戶戶即開上無道境下無  
道基生死之道玄牝之門惟神與氣散聚無  
停內觀元神反本方成回風死道復入生門

靈寶無量度人上品妙經

還巡泥丸遍歷精門三十九戶戶戶可死閉  
之即生生從何戶戶戶即開閉之不出可以  
長生名戶即穴實穴即精神氣交會龍虎固  
根血凝神聚不散乃成散之無窮不可名成  
氣壯滿溢通徹泥丸流布丹田升降反嬰有  
出有入有死有生不出不入斷戶除根斷除  
之道以火鍊精安鎮其戶胞凝血根陽施陰  
化流響扇營上應天關下集百神實乃丹精  
閉即神英七星分散飛行陰房二儀攝氣流  
迹陽光分之既停陰陽交并以赤入黑變黃

成紫精華流暢血穢殄平上納下奔死道未  
降赤霞遼遠瓊漿混迎上和下合自然成真  
胎根既存道成正生根斷乃仙名列南宮父  
母胎孕化體成形散之即氣聚之有名聚散  
爲根斷之長存與道合真天機祕密洞徹萬  
靈三天龍篆元始玉文赤書玉字錦符朱囊  
洞妙汎景保劫運延梵氣彌羅萬範開張元  
網流演三十六天輪轉無色周回十方璇景  
歷機回度五常三十九氣總禦一身八方冥  
合氣勝乃生玄中妙理斷絕胎根死戶週密

靈寶无量度人上品妙經

得道成仙况景太霞嘯詠洞章金真朗郁流  
響雲營玉音攝氣靈風聚煙紫虛鬱秀輔翼  
萬仙歸正合符鍊之見真真中有神長生大  
君消魔神王紫微元君無英公子高玄真人  
執符把錄保命生根上遊上清出入液房明  
梁之內神化之中下鎮人身絕塞死根結胎  
五氣混合百神七世回靈萬真靈輝神風飄  
粲仙道貴生无量度人上開生門飛天法輪  
日月植根安固黃庭宿命因緣普受開度仙  
化生真身得受生上聞諸天諸天之上貴此

仙門中有大洞消魔之章玉清靈篇道御高  
真

第一高上神霄玉清王靈祕之音

元始浩劫

玉清靈文

迷塗悟解

洞徹真空

天仙所慎

祕久不通

斷絕死戶

直入生門

三屍殄滅

五斗束魂

血化成精

反此神嬰

七祖受庇

百神咸寧

出有入無

安鎮黃庭

上保泥丸

中理玄津

下流丹田

百關息封

內體克溢

我道乃成

第二太上消魔王清王隱韻之章

天之大隱寶	明梁塞下戶	慎之祕元都
結胎却生死	守雌抱真一	是為長生路
斷絕生死根	持握九命門	仙庭回九變
神聚反嬰童	上無億劫祖	惟道化爾身
顯顯三境文	過之即神丘	披雲散紫煙
離合由景輪	禁戒非可言	流光聚泥丸
正氣召萬神	滅屍七孔陰	神華耀日英
三素飄雲營	回風扶晨景	真源六虛靈

四十第十三卷

太微轉日月 度魂飛玉京 混沌生太漠  
故曰玄歌音

第三扶桑青華帝君歌曰

萬象化體 百神歸根 物備乃靈  
惟形與身 大道之本 是為玄精  
內觀即見 外境隱停 無此上道  
保生長存 默誦萬過 混合天成  
血穢斷除 消滅惡根 仰徹仙位  
超度南宮 迷悟不解 未沉鬼倫  
天籍秘語 丹華杳冥 南和握節

北極守靈

金氣入三界

玉髓通九門

帝一混合真

無顯亦無明

此三界之上玉文之中真王歌音參洞章

誦之百遍名度南宮誦之千遍斷絕死門萬

遍道備飛升太空過度三界位登仙公有聞

玄十

神音千真祐形敕制地祇侍衛送迎拔出地

十二

戶五苦八難七祖升天受事九宮魂度朱陵

鍊屍更生是謂无量普度無窮有祕上天文

諸天共所崇泄慢墮地獄禍及七祖翁

道言此二章並是諸天上帝及至靈神王玉

卷第十三第 五十五

清真王隱秘之音皆是大梵之言非世上常  
辭言無韻麗曲無華宛故謂玄奧難可尋詳  
上天所寶祕於神霄玉清王府東壁經室華  
堂依玄科六萬劫一傳若有至人齋金寶質  
心依舊格告盟三天然後而付焉

道言夫天地運度亦有否終日月五星亦有  
虧盈至聖神人亦有休否末學之夫亦有疾  
傷凡有此災同氣皆當以己鍊形受化濟度  
十過轉經移神駐氣復得更生無量之文普  
度無窮

道言夫未學道淺或仙品未克死尸未閉胎  
根尚存運應滅度身經太陰臨過之時同學  
至人爲其開神敷經攝氣傳道以度屍形如  
法魂神徑上南宮隨其學功計日而得更生  
輪轉不惑便得神仙

玄十

十三

道言夫天地運終亦當修齋行香誦經星宿  
錯度日月失昏亦當修齋行香誦經四時失  
度陰陽不調亦當修齋行香誦經國主有災  
兵革四興亦當修齋行香誦經疫毒流行兆  
民死傷亦當修齋行香誦經同學命過亦當

修齋行香誦經夫齋戒誦經功德甚重上消  
天災保鎮帝王下攘毒害以度兆民生死受  
賴其福難勝故曰無量普度天人

道言凡有是經能為天地帝主兆民行是功  
德斷絕生死超凌仙宮有災之日發心修齋  
燒香誦經十過皆諸天記名萬神侍衛右別  
至人尅得為聖君金闕之臣諸天記人功過  
毫分無失天中魔王亦保舉爾身得道者乃  
當洞明至言也

諸天中回風混合隱語无量音 道君撰

元始靈書中篇

東方九天

嚴	伐	尚	蕩	馥	絳	華
俱	緬	佳	蔚	郁	英	明
慕	沉	那	蒼	洞	綠	會
因	煙	育	陵	杏	飛	奇
光	翼	冒	納	回	禮	耀
捍	紀	曲	污	禦	俯	魔
香	角	萬	成	泛	呼	赫
披	纏	京	灑	輕	嘉	弈
赫	六	叨	慶	靈	汎	玄
火	度	回	集	標	屏	精
吞	虛	景	霄	煥	境	散
霞	玄	鬱	零	煥	宜	妙

梵氣九疑

攝機汎陶

龍遍赤旗

枝離亢鬱

林峯內希

慶眇雲羅

玉附化屍

停升霽表

揆徹永延

澤遠紅輪

覆明持圓

廓霽敬連

繡落明機

定察弁房

大液浮黎

西方九天

十一

十四

定希交粹

宛陵咎基

靡恪凡潤

幸施綠離

指益繁影

霽雅同遲

空蕩獻訥

干施惠文

托落標由

尋蘇延施

瀆綠首辯

力轉回真

靈寶无度量人上品妙經

迎照童苴 倚母幾埃 皓仰塗府  
彼億真庭 究本知源 翼生浮靈

北方九天

坤符握節 炳煥太霄 摘允侵氏  
擇邈玄標 都浮偏漠 氷翁虛林  
既魄見素 齊叱封吟 渠因劫弄  
晏勳加明 網演覆壁 闡發輝停  
執符煥麗 賂神保寧 氣氤紫秀  
顯微徹升 通神妙空 徑曉成人

道言七者天中大梵靈經无量之書也

文皆龍文丹篆寶籙玉函秘於東華堂金縷  
寶花瓊瑤浮光萬象神藏之中神霄玉清真  
王扶桑青華帝君皆知其音以傳其文能齋  
而誦之者諸天皆遣飛天神王持經神吏下  
觀其身書其功勤上奏諸天萬神朝禮地祇  
侍門玉清消魔神王保舉上仙道備十五尅得超  
度玉京升入金門

此音無所不通無所不降無所不度無所不  
成天真自然之音也故誦之致飛天下觀上  
帝遙唱萬神朝禮三界侍軒五帝侍迎鬼精

元始无量度人上品妙經

自七琳琅振響十方肅清河海靜默山嶽吞  
煙萬靈振伏招集群仙天無氛穢地無祲塵  
冥慧洞清大量玄玄也

元始无量度人上品妙經卷之三十